



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 54. Alexii Contitutiones.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. Pholus, nefariæ Sectæ capita, temere re-  
 A.C. 1118. pugnant, atque cum Imperatore dispu-  
 tantes alter alteri succedebant. Impe-  
 rator, abjecta spe, eorum pertinaciam ex-  
 pugnari posse, Constantinopolim missos  
 carceri includi iussit.

Ipsè in illa Regione permanens, jam  
 una die centum, jam plures, & tandem to-  
 tas urbes pagosque, ad veram fidem per-  
 traxit. Incolarum primoribus præfectu-  
 ras in exercitu suo dedit, plebem vero  
 in unam urbem, quam condidit, collegit,  
 agrosque, quos colerent, divisit. Constā-  
 tinopolim exinde reversus tres Hæretico-  
 rum Duces iterum disputando aggredi-  
 tur; & Culeon quidem victas manus de-  
 dit, alii duo perpetuo carcere damnati  
 pervicaciam luerunt.

§. LIV.

*Alexii Constitutiones.*

*Jus Græco* Constitutiones complures de Causis Ec-  
*Rom. lib. II.* clestasticis ab Alexio Comneno editæ  
*p. 121. &c.* nobis supersunt. Prima, mense Septem-  
 bri, Indictione nona, id est, anno mille-  
 simo octogesimo sexto data est, in qua  
 Decretum Isaaci Comneni patru sui con-  
 firmat. In ea vero Canonicum Episco-  
 porum & jura Ordinationis statueban-  
 tur. Canonicum dicebatur, pretium  
 Primitiarum, quas Laici quolibet anno  
 Episcopis conferre obligabantur, in hunc  
 modum:

Sæcul. XII.  
A.C.1118.

modum: Pagus, triginta familias com-  
 plectens, Episcopo in primitias offerre  
 tenebatur nummum aureum, & duos  
 argenteos, vervecem unum, hordei mo-  
 dios sex, farinæ sex, dolia vini sex, &  
 gallinas triginta. Minores vici pro nu-  
 mero patrum familias pauciora dabant.  
 In præmium Ordinationis Episcopus ac-  
 cipiebat septem nummos aureos, scilicet  
 nummum unum, cum laicum simplicem  
 Clericum vel Lectorem ordinabat; si  
 Diaconum creabat, tres, & si Presbyte-  
 rum etiam tres ei licebat petere. Illud  
 quoque præscribitur, quantum Episcopus  
 a contrahentibus matrimonium exigere  
 possit. In alia Constitutione, mense Ju-  
 nio, Indictione septima, anno Mundi se-  
 xies millesimo quingentesimo nonagesi-  
 mo secundo, id est, anno Domini mille-  
 simo octogesimo quarto data, nulla de-  
 clarantur Sponsalia, si Sponsi plus quam  
 annos septem non numerent, præcipitur,  
 ut ambo contrahentes saltem ad annum  
 duodecimum vel decimum quartum per-  
 venerint, prohibeturque, ne eadem die  
 & Sponsalia ineant, & matrimonium  
 consumment. Id iterum alia Constitu-  
 tione anni millesimi nonagesimi secundi  
 confirmatur.

p. 134

Constitutione quarta, mense Majo,  
 anno sexies millesimo quingentesimo no-  
 nagesimo quinto, seu anno Domini mil-  
 lesimo

ere re-  
 dispu-  
 Impe-  
 am ex-  
 missos  
 s, jam  
 em to-  
 n per-  
 lectu-  
 vero  
 legit,  
 instan-  
 etico-  
 gredi-  
 as de-  
 nati  
 is Ec-  
 editæ  
 tem-  
 mille-  
 qua  
 con-  
 isco-  
 ban-  
 ium  
 anno  
 nunc  
 um:

Sæcul. XII. lesimo octogesimo septimo, præsentem  
 A.C. 1118. Concilio edita, decernitur, licere Imperatori Ecclesias Episcopales vel Archiepiscopales ad Dignitatem Metropolitanam evehere, & pro suo arbitrio ea, quæ ad electionem & regimen illarum Ecclesiarum pertinent, posse præscribere, salvis tamen antiquis juribus Metropolitanæ in

p. 138. Ecclesiam nova Dignitate auctam. (\*)

Constitutione sexta, mense Novembri, Indictione secunda, seu anno Domini

*Balsam. ad can. 37. Conc. 6.* millesimo nonagesimo tertio, Imperator concedit, ut electi Episcopi in Oriente simul Abbacias aut alia Beneficia retineant. Nempe illas Ecclesias vel occu-

*vid. Sup. lib. XL. §. 51.* paverant vel censibus spoliaverant Infideles, unde electi consentire nolebant, timentes, ne relicto Beneficio, de cujus redditibus vitam sustentabant, in Episcopatu omnibus necessariis egerent. Hinc Imperator licentiam eis dat, prius Beneficium alterumque retinendi, donec Ecclesiæ illæ Orientis in integrum restituerentur. Constitutione octava, mense

p. 141. Decembri, anno millesimo nonagesimo quinto data, Patriarchæ Jus tribuitur, omnia Monasteria suæ Diocæsis visitandi &

(\*) Nempe sæpius adverterit Lector attentus, in Ecclesia Orientali Archiepiscopos suis Metropolitanis & Metropolitanas Patriarchæ fuisse subiectos.

& errores emendandi, servato, quod in <sup>Sæcul. XII.</sup> ea legitur, discrimine. Hæc mihi præ <sup>A.C. 1118.</sup> ceteris in Constitutionibus Imperatoris Alexii notatu digna visa sunt. Ceterum Alexii vitam ipsius filia, Anna Comnena, Nicephori Bryennii Cæsaris uxor, matrona doctissima scripsit, stilo orationi pænegyricæ quam historiæ magis congruo. (\*)

Alexio

(\*) Natalis Alexander de Anna Comnena ejusque libro *Alexiados* loquens Sæc. XII. ait: *Anna Comnena, quæ Patri adulatur, Latinis detrahit, Græca fides suspecta.* Et post pauca: *Non enim, inquit illa, quæ apud nos (Græcos) Sacerdotalis lenitatis disciplina, Latinis in usu quoque est. Nos videlicet Sacris jussi Canonibus ac Legibus, Evangelicoque ipso persuasi dogmate, sancimus illud observatione inviolata teneri solitum, ne stringas, ne inclames, ne tangas, Sacerdos enim es. At Barbarus Latinus, simul atque initiatus Sacris, primitias Sacrificii libaverit, clypeo statim in lævam inserto, correpta in detram vibrataque lancea, simul Divinum communicat corpus & sanguinem, simul torvum ac sanguinarium tuetur, designans ad eadem homines oculis vir sanguinum. Adeo barbarum hoc genus non minus sibi belli ac gladii jus usumque arrogat, quam Sacerdotii apicem deposcit.*

Quamvis Oratorum more rem exaggeret Anna Comnena, si tamen illo ævo Episcopus Occiden-

Sæcul. XII. - Alexio in Imperio successit filius Jo-  
A.C. 1115. annes Comnenus, a Græcis *Calo-Joan-*  
*nes*, id est, Joannes pulcher, dictus, qui  
 annis viginti quatuor sceptrum rotavit.

## §. LV.

*Monasterium de GRATIA PLENA.*

*Typic. Iren.* Imperatrix Irene *Ducas Alexii* Conjux  
*to. 1. Annal.* fundato Constantinopoli puellarum  
*Græc. pag.* Monasterio proprias Constitutiones de-  
 128. dit; id enim juris in Græcia Monasterio-  
 rum Conditioribus concedebatur. Por-  
 ro hæc Irenis Constitutiones habemus,  
 ex quibus non nulla memorabilia de con-  
 suetudinibus Monialium Græcarum di-  
 scimus. Istud Monasterium, S. Mariæ

6. 5. Virgini, sub nomine *de Gratia plena*, Sa-  
 crum, ad alendas Virgines viginti qua-  
 tuor destinatum erat, addita licentia, ea-  
 rum numerum ad quadraginta augendi,  
 si forte pinguiores census advenirent.

6. 1. In ipso Fundationis Decreto a potestate  
 tam Imperatoris quam Patriarchæ, atque  
 ab omni jurisdictione sive Ecclesiastica si-  
 ve Sæculari eximebatur; sed erat sub  
 tutela Irenis Imperatricis, quæ si ipsa

6. 80. decessisset, aliquam Cæsareæ Stirpis fe-  
 minam

cidentis cum militibus in Palæstinam proficiscen-  
 tes & in Germania cum Imperatoribus militantes,  
 conspiciamus, haud ex toto mentita dici potest  
 hæc femina.